

Abschied der Frauen- und Müttergemeinschaft

🎵 Melodie: *Tschau, tschau Svizra*

Chum zum glaube aber wohr,
D'FMG gits sit 148 Johr
Doch jetzt isch leider demit Schluss
Das isch en bittre Entschluss.

Langi Jahr sind mir zäme gsi,
wie schnell goht au die Ziit verbii
Im Glaube und im Mitenand,
immer gführt vo Gottes Hand.

Tschau, tschau FMG
Tschau es tuet im Herz so weh,
Tschau, tschau FMG
mir müend jetzt Abschied neh. //2x

Au wenn mir dich jetzt müend verloh
dFründschafte die bliebed stoh.
Gmeinschaft isch immer gsi famos
Drum gits üs im Hals en Klos.

Mir säged ganz vo Herze danke
Für all die Moment zum chöne uftanke
I üsne Chile gross und chli
Bim singe, bäte, zäme si.

Tschau, tschau FMG
Tschau es tuet im Herz so weh,
Tschau, tschau FMG
mir müend jetzt Abschied neh. //2x

Chrüterbinde, es duftet fein
Für üsi Maria lieb und rein,
Erntedank riech dekoriert,
ihr Fraue händ eu engagiert.

Uf de Insel Werd so still und schön,
au wenn isch gange stark de Föhn.
Gmüetlich simmer zäme gsi,
bim Aperö und me Gläsli Wi.

Tschau, tschau FMG
Tschau es tuet im Herz so weh,
Tschau, tschau FMG
mir müend jetzt Abschied neh. //2x

Jedes Johr en Usflug gmacht,
Ideerichtum tusigfach
Schwizerfirme gross und chli
Vom Stedy bis lienert sine Cherzli

Adventsfiir, Märli, Filmobig
Spaziergäng bi Sunne und bi Wind,
Chueche, Zöpf und feini Sache,
händ ihr Fraue immer bache.

Tschau, tschau FMG
Tschau es tuet im Herz so weh,
Tschau, tschau FMG
mir müend jetzt Abschied neh. //2x

Im Vorstand sind viel Fraue gsi,
einigi sind no hüt debi.
Mir säged Dank für all die Johr.
Ihr sind so wunderbar.

Ich wünsch eu Gottes riche Sege
Gott führt üs uf de neue Wege.
Dankbar lueged mir voruss
Zuekunft isch wie en Bluemestruss.

Tschau, tschau FMG
Tschau es tuet im Herz so weh,
Tschau, tschau FMG
mir müend jetzt Abschied neh. //2x